


文言傳推易古義

十一





和書門			
二	四	三	八
五	五	函	號
八	冊	架	冊

內閣文庫			
九	四	函	冊
二	四	三	八
五	五	函	號
八	冊	架	冊

內閣文庫		
番號	和	24385
冊數	8 (6)	
函號	194	12



文言傳推易古義卷之十



推易堂撰

文言也者謂文王所係之象象辭也由是觀之象
之辭者雖或謂周公所係然而亦以文言名之則
為文王之係辭也可推知而已
元者善之長也亨者嘉之會也利者義之和也貞者
直之幹也君子体仁足以長人嘉會足以合礼利物
足以和義貞固足以幹直君子行此四德者故曰乾
元亨利貞

善長謂太極本然之德而眾善之所因來也

九四來爲☵既濟隱象嘉古言也註見隨卦嘉會
義和皆使乾道一元之氣善與萬物交通融會而
无所不到之義也☵泰九二☵益上九咸九四交
象更從也人之更業以從貞固正命之理爲道泰
六五來從象幹以爲神明主宰之德即貞固正命
之理是也譬如草木之枝葉憑莖幹而得養育矣
凡天下之能更非憑此至德則安善得運動乎乃
九五乾剛象君子咸九四乾象仁六二坤象內卦
爲體二爲人足長初九長男象合禮咸初六益六
三泰六五交象和義九四九二上九交象此皆所

以由乾道變化而得之象故曰君子行此四德
初九曰潛竜勿用何謂也子曰竜德而隱者也不易
乎世不成乎名遯世无悶不見是而无悶樂則行之
憂則違之確乎其不可拔潜竜也

☵咸初四推易隱九四來象世六二人位象不易
不成九四與六二不交而與初六推易象名六二
互巽象遯世九四來隱象以柔往和故曰无悶不
見是九四未交正當象樂九四和象以此柔往故
曰行之憂九四互巽未和象以柔未交故曰違之
九四來則失德故曰確不可拔

九二曰見龍在田利見大人何謂也子曰龍德而正中者也庸言之信庸行之謹閑邪存其誠善世而不代德博而化易曰見龍在田利見大人君德也
三泰二五推易正中九二往位正當象庸常也未變象言六二離象信已下至不代数言皆九二未交象邪六五坤象德博而化六五得大君交象故曰君德
九三曰君子終日乾乾夕惕若厲无咎何謂也子曰君子進德脩業忠信所以進德也脩辭立其誠所以居業也知至至之可與幾也知終終之可與存義也

是故居上位而不驕在下位而不憂故乾乾因其時而惕雖危无咎矣

三益三上推易君子九三乾象進德六三往象脩業未往象忠信九三乾象辭六三震言象立誠上九未來象居業六三未往象知至已下至存義皆三上交為坎象居上位不驕在下位不憂六三未上為坎象因其時上九知時來從象

九四曰或躍在淵无咎何謂也子曰上下无常非為邪也進退无恒非離群也君子進德脩業欲及時也故无咎

咸四初推易上下无常進退无恒四初或交或不象故曰非為邪非離群四初或分或聚象君子九四乾象進德初六往象脩業未往象欲及時初六未往象

九五曰飛龍在天利見大人何謂也子曰同声相應同氣相求水流濕火就燥雲從竜風從虎聖人作而万物覩本乎天者親上本乎地者親下則各從其類也

泰五二推易同声六五互震類聚象同氣九二類聚象應求五二交象水九五坎象濕六五坤陰

象流九二往象火六二離象燥九二乾陽象就六五來象雲詩云雲漢之雲古言材知為雲九五坎象九二未往故曰從竜風音包古言天為風九二乾象虎嘉音通古言絜靜嘉樂之德為虎九二互兌象聖人九五乾象作九二往象万物覩六五交象本天九二類聚象親上往和象本地六五類聚象親下來和象各從其類二五未交象上九曰亢竜有悔何謂也子曰貴而无位高而无民賢人在下位而无輔是以動而有悔也

益上三推易貴无位上九未來位當象高无民

未来得民象，賢人在下位，輔九五類聚象，上九群分則失輔，是以未來，故曰動而有悔。

潛竜勿用，下也。

下咸九四來象。

見竜在田，時舍也。

時舍泰六五未來象。

終日乾乾，行也。

行也，益三上往來象。

或躍在淵，自試也。

自試咸初六往來象。

飛竜在天，上治也。

上治泰五二往來象。

亢竜有悔，窮之災也。

窮益上九極位未變象，災六三震象。

乾元用九，天下治也。

乾元上九既來象，用九九三再上變通象，天下治。

上六再來象。

潛竜勿用，陽氣潛藏。

陽氣潛藏，咸九四來象。

見竜在田，天下文明。

天下文明泰六五來為離象

終日乾乾與時偕行

與時益六三交象偕六三類聚象行群分象

或躍在淵乾道乃革

乾道革咸九四推易象

飛龍在天乃位乎天德

位乎天德泰九二往位當象

亢龍有悔與時偕極

偕極益上九極位未交象

乾元用九乃見天則

見天則上六再交象

乾元者始而亨者也利貞者性情也乾始能以美利利天下不言所利大矣哉大哉乾乎剛健中正純粹精也六爻發揮旁通情也時乘六龍以御天也雲行雨施天下平也君子以成德為行日可見之行也

始咸九四來象性情泰二五咸四初益上三往來象乾為性坤為情以美利咸初六坤文往象以此剛來故曰利天下中正九四來位正當象純粹精皆初九乾象六爻發揮益六三動上極位象故曰旁通情時乘六龍註詳彖傳天下平泰六五來和

象君子以成德為行九二往得小人象故曰日可見之行

潛之為言也隱而未見行而未成是以君子弗用也
隱咸九四來象雖然未交故曰未見行初六往象
雖然未和故曰未成

君子學以聚之問以辨之寬以居之仁以行之易曰
見龍在田利見大人君德也

君子泰九二乾象學之為言效也效交也故曰聚
乃九二類聚象問六二離口象辨九二群分象寬
六五互春象居未來象仁六二坤象六五小人來

不從以此大人得位故曰行之君德
九三重剛而不中上不在天下不在田故乾乾因其
時而惕雖危无咎矣

重剛益上九類聚象不中未來象上不在天六三
未上象下不在田上九未下象因時以下註見前
章

九四重剛而不中上不在天下不在田中不在人故
或之或之者疑之也故无咎

重剛不中咸九四未來象天九四乾象田初六坤
象上下不在四初未往來象中人初六艮象疑六

四坤象

夫大人者與天地合其德與日月合其明與四時合其序與鬼神合其吉凶先天而天弗違後天而奉天時天且弗違而況於人乎況於鬼神乎

天日神泰九二乾象地月鬼六五坤象與合明德皆二五交而各得正位象乾為吉坤為凶序二五類聚象先天六五未來象天弗違九二交象後天六五來象故曰奉天時

亢之為言也知進而不知退知存而不知亡知得而不知喪其唯聖人乎知進退存亡而不失其正者其

唯聖人乎

知進益六三上為坎象不知退上九未來象知存知得六三上象不知亡喪上九未來象聖上九乾象人六三互艮象三上往來各正位當故曰不失正

坤至柔而動也剛至靜而德方後得主而有常含萬物而化光坤道其順乎養天而時行
至柔贊辭猶至哉也動剛
損初九
否九五
恒九三推易為未濟隱象至靜德方六二六四上六類聚象有常損初九未變象含萬物化光初

九往和象以此柔從故曰坤道順乎兼天時行初九往象

積善之家必有餘慶積不善之家必有餘殃臣弑其君子弑其父非一朝一夕之故其所由來者漸矣由辯之不早辯也易曰履霜堅冰至蓋言順也

三損初四推易積善家初九大離類聚象故曰有餘慶乾為福善積不善餘殃六四坤惡類聚象臣子六四坤象君父初九乾象弑死也初九往象一朝初九乾晝象一夕初六坤夜象故六四固有類聚象謂履霜堅冰至非卒爾來寒露霜降以至小

寒大寒六四在澤上而漸來象所謂善不積不足以成名惡不積不足以滅身之意也辯九四離口象不早初九未往象言六四互震象蓋九四互坎象順六四從象

直其正也方其義也君子敬以直內義以方外敬義立而德不孤直方大不習无不利則不疑其所行也三否二五推易正六二位正象義九五乾象君子九二乾象敬以直內六二位正象方外九五類聚象故曰敬義立德不孤不疑所行

陰雖有美含之以從王吏弗敢成也地道也妻道也

臣道也。地道无成而代有終也。

☷恒三上推易陰美六三坤文象含從九三大坎未上象故曰王叟弗敢成地妻臣皆上六坤象雖上六未和而剛易上故曰代有終天地變化草木蕃天地閉賢人隱易曰括囊无咎无譽盖言謹也。

☵損四初推易天地變化四初交象草木蕃初六齧棘象閉六四艮門象賢人初九大震象隱初九未出象謹亦初九往盖大口象。

君子黃中通理正位居侷美在其中而暢於四支發

於叟業美之至也。

☵否五二推易君子九五乾象黃中通理六二往象正位居侷美在其中六二未往象愚案美者備也古言天性微妙之智為備備即福福即智故記曰福者備也中亦古言本原絜誠為中衷冲冲忠皆同音義也書曰建中于民允執厥中降衷于下民詩云中谷中原中河中林記曰中也者天下之大本也論語曰忠恕而已矣老子曰道冲而用之其列子曰冲和氣在天中如斯数言皆此之謂也内卦為侷外卦為四支暢發美至皆六二往象。

陰疑於陽必戰為其嫌於无陽也故稱竜馬猶未離
其類也故稱血馬夫玄黃者天地之雜也天玄而地
黃六十四卦中亦有此意也
三恒上三推易陰疑於陽上六未來象故曰嫌於
无陽未離其類九三未群分象天地之雜三上交
象
文言傳終

毛大可所謂係辭傳中所雜簡之文言傳七節三
百八十有三字與一節五十有一字十有一節六
百八十有三字舉以屬諸此焉愚案雜卦者唯示
父母卦之推易已此十有九節者廣明父母卦外
自既未濟歸妹井大有晉師等卦推易來象且釋
易者絜誠易簡无方无体之為教者也與
鳴鶴在陰其子和之我有好爵吾與爾靡之子曰君
子居其室出其言善則千里之外應之況其邇者乎
居其室出其言不善則千里之外違之況其邇者乎
言出乎身加乎民行發乎邇見乎遠言行君子之樞

機樞機之發榮辱之主也言行君子之所以動天地也可不慎乎

此第一節中孚九二之辭三三无妄二四推易室六四大離象君子居九四未交象出言六二震往象善九四乾象千里外應來交象邇近也六二往象不善六二坤惡象千里外違九四未交象身六二人位象民六二坤象加九四交象行發乎邇見遠六二往交象樞機謂日月運回也剛柔往來象已下皆二四往來象同人先號咷而後笑子曰君子之道或出或處或默

或語二人同心其利斷金同心之言其臭如蘭

此第二節同人九五之辭三三大有五二推易君子九二乾象或出九二往象或處未往象或默九五塞口象或語六五開口象心六二坤象二人同九二類聚象其利斷金九二群分象言六二離口象其臭如蘭六二互巽象

初六藉用白茅无咎子曰苟錯諸地而可矣藉之用茅何咎之有慎之至也夫茅之為物薄而用可重也慎斯術也以往其无所失矣

此第三節大過初六之辭三三大壯初五推易錯諸

地可六五交象慎六五戒慎類聚象至來象薄初
六孤獨象可重已下皆初九未往象
勞謙君子有終吉子曰勞而不伐有功而不德厚之
至也語以其功下人者也德言盛禮言恭謙也者致
恭以存其位者也

此第四節謙九三之辭復三初推易自稱其功
曰伐初九往獨立象不伐不德謙遜未往象故曰
下人人六二象厚六三類聚象盛民從象恭六三
未亂象存位初九未往象
亢竜有悔子曰貴而无位高而无民賢人在下位而

无輔是以動而有悔也

此第五節乾上九之辭益上三推易為既濟隱
象註見于前

不出戶庭无咎子曰亂之所生也則言語以為階君
不密則失臣臣不密則失身幾更不密則害成是以
君子慎密而不出也

此第六節節初九之辭井初三推易亂生九三
群分象言語六三互震象為階初六往為互山象
君不密九三群分象失臣初六往象臣密六三類
聚象身六三互艮象幾動之微也九三群分故曰

不密害成不出初六未往象

子曰作易者其知盜乎易曰負且乘致寇至負也者小人之吏也乘也者君子之器也小人而乘君子之器盜思奪之矣上慢下暴盜思伐之矣慢藏誨盜冶容誨淫易曰負且乘致寇至盜之招也

此第七節解六三之辭。小過三二推易作易即推易也。知盜九二坎象。吏六二從居象。君子器九二乾車象。盜思奪之六二未往得器象。慢藏也。九三群分象。暴害也。六二群分象。思伐六二未群分象。慢藏六二群分象。誨六三互口象。冶容九三來

生人物象。淫六三坎水象。招九三來象。易曰自天祐之吉无不利。子曰祐者助也。天之所助者順也。人之所助者信也。履信思乎順。又以尚賢也。是以自天祐之吉无不利也。

此一節亦文言傳之雜簡。大有上九之辭。三夬上五推易助剛柔親交象。順上六從象。人所助信。九五上交象。履信思順。上六未從象。尚賢九五上象。易曰。憧憧往來。朋從爾思。子曰。天下何思何慮。天下同歸而殊塗。一致而百慮。天下何思何慮。日往則月來。月往則日來。日月相推而明生焉。寒往則暑來。暑

往則寒來寒暑相推而歲成焉往者屈也來者信也
屈信相感而利生焉尺蠖之屈以求信也竜蛇之蟄
以存身也精義入神以致用也利用安身以崇德也
過此以往未之或知也窮神知化德之盛也

此第一節咸九四之辭三井四二推易思慮同歸
一致六二類聚象殊塗百慮六四未來象曰往寒
往九二往象月來暑來六四來象故曰明生歲成
往為伸來為屈二四往來象故曰利生尺蠖屈竜
蛇蟄存身精義入神皆九二類聚象致用利用安
身崇德窮神知化九二往象以柔得化故曰德盛

易曰困于石據于蒺藜入于其宮不見其妻凶子曰
非所困而困焉名必辱非所據而據焉身必危既辱
且危死期將至妻其可得見邪

此第二節困六三之辭三三咸三二推易非所困困
六二屈伏未往象名六二互命象辱六二屈辱象
非所據據六二困辱象往則上高履于蒺藜故曰
身必危死期將至

易曰公用射隼于高墉之上獲之无不利子曰隼者
禽也弓矢者器也射之者人也君子藏器於身待時
而動何不利之有動而不括是以出而有獲語成器

而動者也

此第三節解上六之辭。晉上二推易。禽九二飛鳥象。弓九二坎象。矢九二奇畫象。射之者人。六二交象。君子蔽器於身。九二乾象。上九未來。故曰待時而動。君子知時來。故曰利動不括。以六二上。故曰出獲。

子曰。小人不耻。不仁。不畏。不義。不見利。不勸。不威。不懲。小懲而大誡。此小人之福也。易曰。履校滅趾。无咎。此之謂也。

此第四節噬嗑。初九之辭。否初五推易。小人六五坤象。仁。初六坤象。不耻。初六往象。義。九五乾象。不畏。初六往象。不見利。不勸。初六未進交象。威。九五乾武象。小懲。初六未往象。大誡。九五未乱象。故曰。小人之福。

善不積。不足以成名。惡不積。不足以滅身。小人以小善為无益。而弗為也。以小惡為无傷。而弗去也。故惡積而不可掩。罪大而不可解。易曰。何校滅耳。凶。此第五節噬嗑。上九之辭。歸妹上二推易。善積。九二類聚象。成名。九二說言象。上六來位虛。故曰。不足。惡積。上六類聚象。身。小人。六二坤象。以小善。

二上交象无益弗爲九二未上象以小惡无傷弗去上六未群分象故曰惡積不可掩九二上則過身故曰罪大不可解

子曰危者安其位者也凶者保其存者也乱者有其治者也故君子安而不忘危存而不忘亡治而不忘乱是以身安而國家可保也易曰其亡其亡係于苞桑

此第六節否九五之辭三三未濟五二推易危六五居高位象安位保存有治皆六五未來象凶乱六五群分象君子已下皆九二未往象國家六五離

象

子曰德薄而位尊知小而謀大力小而任重鮮不及矣易曰鼎折足覆公餗其形渥凶言不勝其任也

此第七節鼎九四之辭三三巽四五推易德薄六四白茅象位尊九五未來象知小六四大坎象謀大六四往爲離口象力九四輒剛象小任重鮮不及六四柔弱象

子曰知幾其神乎君子上交不諂下交不瀆其知幾乎幾者動之微吉之先見者也君子見幾而作不俟終日易曰介于石不終日負吉介如石焉寧用終日

斷可識矣。君子知微，知彰，知柔，知剛，萬夫之望。
此第八節，豫六二之辭。師二四推易，動微。九二
未交象，知九二坎象，神九二乾象。君子上交不諂，
九二往不屈辱象，下交六四來象，瀆九二坎象。君
子見幾作九二往象，以柔來交，故曰不俟。九二出
則為八，故曰寧用斷可識。知微，知彰，知柔，知剛，皆
九二未交，而自知象，故曰萬夫之望。六四坤象，
夫九二乾象。
子曰：顏氏之子，其殆庶幾乎？有不善，未嘗不知，知之
未嘗復行也。易曰：不遠復，无祇悔，元吉。

此第九節，復初九之辭。剝初上推易，顏氏嘉樂
君子上九艮門象，子初六坤象，殆庶幾乎。上九未來
象，不善初六坤惡象，知初九乾象，未嘗復行。初上
未往來象。
天地絪縕，萬物化醇，男女構精，萬物化生。易曰：三人
行則損一人，一人行則得其友，言致一也。
此第十節，損六三之辭。泰三上推易，天九三乾
象，地上六坤象，朱亥晦曰：絪縕交密之狀。三上相
交象，故曰萬物化醇。男九三乾象，女上六坤象，精
謂純粹誠神也。九三乾象，構結也。三上婚媾象，故

曰、万物化生、致一九三上象。
子曰、君子安其身而後動、易其心而後語、定其交而後求、君子脩此三者、故全也。危以動、則民不與也。懼以語、則民不應也。无交而求、則民不與也。莫之與、則傷之者至矣。易曰、莫益之、或擊之、立心勿恒、凶。
此第十一節、益上九之辭、言既濟上三推易、君子九三、乾象、安其身上六、來為互艮象、而後剛上、故曰、動、易其心、語上六、推易為震象、定交上六、來象、後求九三、上象、脩此三全、上六來聚象、危、動九三、上高位象、上六來則失其正位、是以未交、故曰、民

不與、懼語、九三離象、民不應、上六未交象、无交而求、九三未交象、之九三往象、至上六來象。

文言傳推易古義卷之十一終

